

Izaslanik **Mehmed Bradarić** uputio je pitanje Vijeću ministara BiH, odnosno Ministarstvu financija i trezora BiH, koje glasi:

“ Svjetska banka procjenjuje da stanje u BiH postaje alarmantno i da bi rast BDP.a u BiH u idućoj godini mogao biti svega 1%, a situacija bi mogla biti još i gora ako se kriza u eurozoni proširi. Kako se BiH priprema za veoma izvjesne negativne efekte krize i da li ima naznaka za nastavak aranžmana MMF-a i Svjetske banke? „

Izaslanik Mehmed Bradarić uputio je i dvije inicijative koje glase:

- **Prva inicijativa:** Ova godina je kalendarski na izmaku i u njoj smo radili po, nismo radili po programu, što je možda i razumljivo ako se uzme u obzir razdoblje našeg konstituiranja, ne bi bilo razumljivo i dobro ukoliko bi u 2012. godini radili bez makar okvirnog programa, pa predlažem Kolegiju Doma predlaganje jednog takvog okvirnog programa i jednog takvog dokumenta i dostavu nama na razmatranje i usvajanje. Ne mislim da on treba biti disperziran, može to biti jedna obična mustra koja će biti živa stvar tokom čitave godine i koja će sasvim sigurno pretrpjeti i korekcije.
- **Druga inicijativa:** Institucije države uključujući i ove parlamente vrve od nepotizma, dakle od rođaćkih, prijateljskih metoda zapošljavanja u njima. Praksa pokazuje da to nisu najpametniji i najvredniji zaposlenici, a dobra su podloga za mehanizme zaustavljanja ili usporavanja određenih za društvo korisnih aktivnosti. Predlažem da kolegiji obaju domova Parlamenta BiH utvrde metodu i način zaustavljanja i utvrđivanja količine nepotizma, kako bismo nakon toga svi zajedno ovdje odredili jasna načela barem djelomične eliminacije.